

[Concurso Letras Galegas 2024 - Luisa Villalta](#)

O Equipo de Dinamización da Lingua Galega organízase un **concurso** centrado na figura de **Luisa Villalta**.

Para participar tedes que **respostar** [as preguntas que aparecen neste arquivo](#) e **entregar as respostas** en conserxería **antes do mércores 15/06**.

Para buscar a información podes visitar a exposición que temos no 1º Andar do centro e facer uso do [documento Viaxe Polo Metaverso que tes nesta ligazón](#).

[Espazo familias - Compreendendo a adolescencia para poder exercer de Guía - 27/04/2024](#)

O próximo **sábado 27/04/2024 ás 11:30 no Centro Social de Boiro** terá lugar unha nova sesión do *Espazo familias*. Desta volta acompañarannos a psicóloga M^a Carmen González Hermo, a educadora social Alba Fernández (obradoiro de primaria) e o educador social Jaime Bello (obradoiro de adolescentes). Dentro dese obxectivo marcado de ser quen de comprender á adelescencia para ser quen de acompañar mellor desta volta tratarase a Educación Sexual. Sodes todas/os benvidas/os á esta sesión.

Para reservar o servizo de canguraxe [preme nesta ligazón](#).

[HACKATHON EPDLAB 2024](#)

O pasado xoves 4 de abril o alumnado de 1º ESO B desprazouse a Bandeira (Silleda) para participar no Hackathon EpDLab, unha xornada de convivencia e traballo colaborativo dentro do proxecto EpDLab, no que levamos participando tres cursos.

O EpDLab é un proxecto que se desenvolve en cinco centros de Galicia (IES Pintor Colmeiro de Silleda, IES de Brion, IES Carlos Casares de Viana do Bolo, IES Illa de Ons de Bueu e o noso propio centro, o IES Praia Barraña de Boiro) da man de Agareso (Asociación galega de comunicación para o cambio social).

No marco deste proxecto cada curso un grupo clase recibe a visita do persoal de Agareso para traballar en obradoiros de 100 minutos temas como a igualdade, a xustiza social, o consumo responsable, o activismo social, a lectura crítica dos medios o redes sociais... a través do uso das narrativas dixitais e as novas tecnoloxías. O obxectivo é reflexionar sobre todos estes temas vinculados á educación para o cambio social ao tempo que se traballa nun uso positivo e responsable das tecnoloxías.

No Hackathon o alumnado que participa no proxecto xúntase para unha xornada de convivencia, socialización e traballo en equipo arredor dun tema determinado. Nesta ocasión foi a convivencia positiva e o bo trato. A través de dinámicas activas de presentación e coñecemento, pensamento creativo, creación de contido audiovisual, etc. o alumnado falou sobre conceptos como a empatía, a amabilidade, o respecto, a colaboración... e aínda tiveron tempo para compartir un delicioso xantar e tempo de lecer ao aire libre.

Agardamos seguir participando deste proxecto, que consideramos xa fundamental na planificación escolar de cada curso académico do noso centro.

[8M - No IES Praia Barraña](#)

O noso alumnado conmemora o 8M lendo algúns [textos seleccionados polo profesorado](#) e tamén se creou unha playlist colaborativa con aportacións do profesorado e do alumnado que podedes escoitar premendo [nesta ligazón](#).

As alumnas e os alumnos de 2º de Bacharelato de artes fixeron creacións relacionadas co 8M que se poden atopar [nas redes sociais do centro](#).

[Espazo familias - Compreendendo a adolescencia para poder exercer de Guía - 31/01/2024](#)

O próximo **mércores 31/01/2024 ás 18:00 no Centro Social de Boiro** terá lugar unha nova sesión do *Espazo familias*. Desta volta acompañarannos a sexóloga e psicóloga Penélope Alonso, a educadora social Alba Fernández e o educador social Jaime Bello. Dentro dese obxectivo marcado de ser quen de comprender á adelescencia para ser quen de acompañar mellor desta volta tratarase a Educación Sexual. Sodes todas/os benvidas/os á esta sesión.

Para reservar o servizo de canguraxe [preme nesta ligazón](#).

[Blog do centro do noso alumnado de 2º de Bacharelato](#)

Debuxo realizado por: *Pablo Antonio Meléndez Soto*



O alumnado de TIC II de 2º de Bacharelato xestiona un blog no que se publican información relevante relacionada co noso centro. Desde a web do centro queremos darlle difusión e por esta razón pódese atopar nas ligazóns do bloque dereito desta páxina web e tamén nesta noticia.

Podedes visitar o blog [nesta ligazón](#).

As persoas que actualizan semanalmente son: **David Ardila, Brais Canosa, Héctor Outeiral, Pedro Saborido, Xavier Polo, Gonzalo Sainz, Lucas Lijó e Carla González**. Coa coordinación do profesor **Daniel Conde**.

[BOAS FESTAS E FELIZ 2024!](#)

Postal gañadora do Concurso de Tarxetas de Nadal. Autora: Nerea Silva Sánchez (3 ESO)

O IES Praia Barraña desexa a toda a súa comunidade educativa (alumnado, familias, profesorado e persoal non docente) e a todos e todas os que colaboran con nós ano tras ano, unhas boas festas e un mellor ano novo 2024. Vémonos nas aulas o 8 de xaneiro. Feliz descanso a todas e todos!

[Convocatoria de reunión ás familias para coñecer ao profesorado tutor.](#)

DATA:26/09/2023 ás 18:15.

Obxecto da reunión: Ademais de coñecer mellor as características, as particularidades, **retos** e dificultades **deste curso** que acaba de iniciarse, é moi importante a asistencia das familias e/ou das persoas responsables legais para **mellorar a colaboración casa-escola** nunha etapa tan complexa como é adolescencia.

[Listaxe libros de texto 2023/2024](#)

[Barraña no mundo. Histórico dos proxectos europeos do centro](#)

- [1](#)
- [2](#)
- [3](#)
- [4](#)
- [5](#)
- [6](#)
- [7](#)
- [8](#)
- [9](#)
- ...
- [seguinte >](#)
- [última »](#)

URL de Orixe (recibido en 16/05/2024 - 14:10):
<https://www.edu.xunta.gal/centros/iespraiabarrana/node>